



Je me recommande aux prières et ss. sacrifices de V. R., étant
sincèrement

Son très-humble et très-obéissant
serviteur en Nostre Seigneur

Pierre-François Chifflet.

47. — fol. 80 et 90. Lettre du P. Michael Sénéschal à Alexandre Wiltheim, datée de Douai, 1662, 16 octobre. Elle traite exclusivement des questions de numismatique.

Reverende in Christo pater. Pax Christi.

Statim ab acceptis Reverentiæ Vestræ litteris suscipienda mihi fuit aliquot dierum profectio; hinc aliqua in respondendo mora.

De ænigmatis vix habeo quod dicam. Davum me profiteor, non Oedipum, in illis maxime physiologicis, in quibus vos toti estis, cum mihi vix per transennam ea inspicere liceat. Nec scire fas est omnia; ex æquo animo ferre debemus, nos quadam ignorare. Deinde facilius haud dubie esset solutio visis nummis ipsis quorum figuræ, imo apices litterarum non raro dant magnam lucem. Quando tamen lubet R. V. periculum ignorantiae meæ vel sic facere, dicam quid mihi respondendum occurrat.

Nummus argenteus EXCLEP. etc. aliter (meo quidem iudicio) legendus est: CESARIO C. C. EX CLEOP. id est CESARIO CAI CESARIS (Iulii filius) EX CLEOPATRA. Nisi me nimium....., non improbabit R. V. hanc interpretationem quæ mihi alias plane res agentis et in Dorigniano nostro deambulanti in mentem venit. Notissima est historia, et istius Cesarionis effigiem habet Goltzius tab. 54., nummorum vitæ Iulii adictorum numero 11, quam velim cum vestro nummo conferri. Quod litteram o insero, meo quodammodo iure facio, qui sæpe observavi illam adeo exigua forma exprimi in nummis Cleopatrarum, ut eius diameter vix quartam vel quintam partem æquet altitudinis caeterarum litterarum; et, ut omnino abesset, noti sunt sculptorum errores ex quibus hunc unum esse satis suaderet coniectura mea quæ nostris visa est hic non omnino infelix. Si sit nummus ille non adulterinus, est sane perrarus eumque vobis gratulor.

De aureo cui inscriptum MONETA TELACIVS, si Dea Moneta in aversa facie sit expressa, eius nomen designabit pars prior, posterior nomen præfecti rei monetariæ; si dea absit, forte dici posset quemdam ex his præfectis dictum fuisse *Telacium Monetam*; et hoc cognomen facile potuit ei adhæsisse ex officio nec est minus Romanum quam *Ovicula*, *Pietas* etc.

Quod attinet ad alterum aureum, meræ mihi tenebræ sunt; nolim quicquam conjicere absente nummo, de quo facilius esset pronuntiare, si esset ad manum; quamvis ne eo quidem casu ausim quicquam polliceri.